

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Pse po humbet terren CDU-ja e Merz ndërsa AfD fiton në Lindje?
ADRESA	https://www.gazetatema.net/bota/pse-po-humbet-terren-cdu-ja-e-merz-ndersa-afd-fiton-ne-lindje-i587365
BURIMI	gazetatema.net
GJENDJA	online

KOHA


KAPUR NGA NE	21 shtator 2026, 06:22:18 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	21 shtator 2026, 06:30:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	9660a6d3e2c7e56173c54ff3ba5d76b08baa4a02cf51f0f0ae17dd5c29f5e71e
TEKSTI	b76f3e34811fc0a58e72b03fcbf93a1c7ef3003b72f142c6d5fd74ab03e77c77
PAMJA	56c790498d16e57737efe4d3721479f6e67e7e81a3be12d402d101f2b952ea4b

ZINXHIRI I PROVËS

KJO HYRJE	8ce7c9c04e8989b7c047e89b9bf7c886e4acae80dfd57d3a77c4ded7777d59e
E MËPARSHMJA	—
RRËNJA MERKLE	af35c6566c3aad3783a58e2d1a9e53ca15a19073105bf934d046e340151e749d
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/8ce7c9c04e8989b7c047e89b9bf7c886e4acae80dfd57d3a77c4ded7777d59e>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [Politika](#)
- [Sociale](#)
- [Kronika](#)
- [Ekonomia](#)
- [Editorial](#)
- [Antena](#)
- [Blog](#)
- [Rajoni](#)
- [Bota](#)
- [Kulturë](#)
- [Sport](#)
- [Lifestyle](#)

 English

Built and Monetized by 

[Kontakt](#)



 English



le Studentet marshojne sot ne Prishtine kunder vendimit te Speciales, thirrje per unitet dhe drejtesi Aksident me vdekje ne aksin Eibasan-Peqin Atentati ne Sarande/ Dysho fundit

Pse po humbet terren CDU-ja e Merz ndërsa AfD fiton në Lindje?



21 Shtator 2026, 08:30 Bota TEMA



Peizazhi politik në Gjermani po pëson ndryshime të ndjeshme, me rezultatet e zgjedhjeve të fundit që tregojnë rritjen e mbështetjes për Alternativën për Gjermaninë (AfD) dhe dobësimin e partive tradicionale, veçanërisht të CDU-së së kancelarit Friedrich Merz.

Në zgjedhjet e 20 shtatorit në Mecklenburg-Pomerania Perëndimore, AfD doli e para me rreth 37% të votave, përballë rreth 35.5% të Social Demokratëve. CDU-ja e Merz mori rreth 5.5%, rezultat që, nëse konfirmohet përfundimisht, do të përbënte performancën e saj më të dobët në një zgjedhje landesh që prej vitit 1949.

Në Berlin, rezultati ishte ndryshe. E Majta doli forcë e parë me rreth 24.5%, ndërsa CDU mori rreth 20%. AfD u ngjiti në gati 16%, nga 9.1% që kishte marrë në zgjedhjet e mëparshme.

Këto rezultate erdhën vetëm dy javë pas zgjedhjeve në Saksoni-Anhalt, ku AfD siguroi 43.8% të votave, ndërsa CDU-ja mori 17.2%. AfD fitoi 39 nga 83 mandatet dhe iu afrua shumicës absolute.

Vetë kancelari Merz e përshkroi rezultatin e zgjedhjeve në Mecklenburg-Pomerania Perëndimore si një "katastrofë", por deklaroi se nuk do të tërhiqej nga detyra apo nga axhenda e reformave. Tetë kryeministra landesh të CDU-së kanë shprehur publikisht mbështetjen për të.

Rritja e AfD-së nuk lidhet vetëm me çështjen e emigracionit. Kostoja e jetesës, çmimet e energjisë dhe karburanteve, pasiguria në tregun e punës dhe vështirësitë e industrisë gjermane janë ndër shqetësimet që kanë dominuar debatin politik.

Instituti ekonomik gjerman IW ka rishikuar në rritje parashikimin për rritjen ekonomike në vitin 2026, në rreth 1.2%. Megjithatë, instituti ka paralajmëruar për kostot e larta të energjisë, investimet private të kufizuara, humbjet e vendeve të punës dhe inflacionin mbi 2.5%, faktorë që ndikojnë në fuqinë blerëse të familjeve.

Një nga sektorët më të prekur është industria e automobilave. Volkswagen po zbaton një proces të gjerë ristrukturimi, ndërsa Bosch ka planifikuar deri në 13 mijë shkurtime vendesh pune në divizionin e automobilave. Edhe Porsche, Mercedes-Benz dhe BMW po përballen me kostot e larta të prodhimit, konkurrencën nga Kina dhe transformimin teknologjik të industrisë.

Në ish-Gjermaninë Lindore, këto probleme marrin një dimension të veçantë. Pavarësisht ngushtimit të hendekut në paga dhe punësim që prej ribashkimit të vendit, pasuria mesatare neto e familjeve në Lindje mbetet rreth gjysma e asaj në Gjermaninë Perëndimore.

Një element tjetër i rëndësishëm në rritjen e profilit të AfD-së është mbështetja publike e Elon Musk.

Në dhjetor 2024, Musk deklaroi në platformën X se “vetëm AfD mund ta shpëtojë Gjermaninë”. Në janar 2025, ai zhvilloi një bisedë të drejtpërdrejtë në X me lideren e AfD-së, Alice Weidel, dhe u bëri thirrje gjermanëve të mbështesnin partinë. Më vonë ai u shfaq përmes një videoje në një tubim të AfD-së në Halle.

Pas rezultatit të AfD-së në Saksoni-Anhalt më 6 shtator, Musk iu përgjigj një postimi të Weidel me shprehjen gjermane “Gut gemacht!”, që do të thotë “Bravo”.

Kandidati i AfD-së, Ulrich Sigmund, e falënderoi publikisht Musk për mbështetjen dhe foli për mundësinë e një bashkëpunimi të ardhshëm, veçanërisht në drejtim të krijimit të kushteve më të favorshme për investimet private në Gjermani.

Mbështetja e Musk merr një rëndësi të veçantë edhe për shkak të rolit të tij në industrinë automobilistike. Tesla ka fabrikën e saj të prodhimit në Grünheide, pranë Berlinit, dhe kompania ka planifikuar zgjerimin e aktivitetit dhe rritjen e prodhimit në Gjermani.

Megjithatë, nuk ka të dhëna që të përcaktojnë se sa votues janë ndikuar drejtpërdrejt nga mbështetja e Musk për AfD-në. Po ashtu, nuk është bërë publik ndonjë donacion financiar i dokumentuar prej tij për partinë.

Rezultatet e fundit tregojnë se AfD nuk mund të shihet më vetëm si një forcë politike e përqendruar në Gjermaninë Lindore. Partia ka zgjeruar bazën e saj elektorale dhe, sipas të dhënave të cituara nga Reuters para zgjedhjeve të 20 shtatorit, në sondazhet kombëtare renditej mes 27% dhe 29%, përballë 18%-20% për CDU-në.

Megjithatë, AfD mbetet jashtë bashkëpunimit me partitë kryesore gjermane. Qëndrimet e saj për emigracionin, marrëdhëniet me Rusinë, Bashkimin Evropian dhe euron kanë qenë ndër arsytet e deklaruara nga partitë e tjera për refuzimin e bashkëpunimit politik me të.

Rezultati i Berlinit tregon gjithashtu se zhvendosja e votës nuk po ndodh vetëm në drejtim të së djathtës. E Majta doli forcë e parë në kryeqytet, ku çështja e strehimit dhe rritja e qirave kanë qenë ndër temat kryesore të fushatës.

Për kancelarin Friedrich Merz, rezultatet e fundit shtojnë presionin mbi qeverinë në një moment kur Gjermania po përballet me sfida ekonomike, vështirësi në industrinë e automobilave, debatet mbi emigracionin dhe pasigurinë energjetike.

Ndërsa AfD po konsolidon një bazë më të gjerë elektorale, mbetet e hapur çështja se si kjo mbështetje do të përkthehet në sistemin politik gjerman, për sa kohë partitë e tjera vazhdojnë të përjashtojnë bashkëpunimin me të.

Lini një Përgjigje

Koment *

Emër *

POSTOJE KOMENTIN

AfD e ekstremit të djathtë fiton zgjedhjet në Gjermaninë verilindore, CDU nuk hyn në parlament, Merz zotohet të qëndrojë

07:47 Bota

Trump: Rebelët Houthi nuk do sulmojnë SHBA

07:35 Bota

Epoka pas Putinit/ Shtatë emrat që shihen si "trashëgimtarët" e mundshëm të Kremlinit

07:25 Bota



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.